

Nome	DNI
Lago Rey, María Jesús	36084020-X
Lamas Alsina, Josep	47353895-T
Loriente Pérez, Carlos	53516017-P
Martín Varela, Alberto	53172038-V
Martínez Simón, Laureano	53113133-S
Martínez Varela, Manuel	34625865-D
Mascato García, David	76868519-N
Meilán Fernández, David	53181047-X
Míguez Pereira, Celso A.	77402187-B
Míguez Telle, Marta	76747473-S
Paz Blanco, Antón	35462430-H
Pedrares Alonso, María Dolores	35566337-B
Peñas Pedrosa, Beatriz	36173331-N
Pereiro Sio, Óscar	77004251-K
Pérez Alonso, Santiago	36112997-F
Pérez Fernández, Cristian	34875660-R
Pérez Piñeiro, María	35480184-Q
Pérez Rial, Carlos	78737262-M
Pintos Figueroa, Pablo Rubén	36120689-V
Piñeiro Mosquera, Olalla	34992088-A
Portela Rivas, Teresa	53116704-K
Porto de la Calle, Enrique	36152573-T
Porto de la Calle, Javier	53179740-Z
Raña Fuentes, Iván	79311087-A
Roca Moro, Elena	53160288-C
Rodríguez Bascuas, Patricia	76929714-G
Rodríguez Veloso, Sebastián	31208810-H
Ron Mirás, José Iván	44818424-A
Rouco Carballo, Iván	32701019-X
Saavedra Reinaldo, Juan Antonio	44081524-T
Serrano Rodríguez, Marcos A.	36116528-L
Silva Crespo, Jorge Ignacio	34969911-K
Somoza Cabrera, Goretti	52937105-Y
Val del Río, Eva	44825282-F
Valderrama Santomé, Tamara	36145039-X
Vallejo Folgueira, Diego	76572021-F
Vallejo Folgueira, Sergio	33306549-L
Varela Iglesias, Ana	44822471-W
Vázquez Escudero, Jorge	44464852-X
Vicente Landín, Isaac	36132364-P
Zubizarreta Moya, Gonzalo	36166056-M
Zunzunegui Guimeráns, Juan	36149806-Q

Orde do 22 de febreiro de 2005 pola que se regula a prestación económica de pagamento único por fillo menor a cargo para o ano 2005.

O Estatuto de autonomía de Galicia no seu artigo 27.23º asígnalle á comunidade autónoma competencia exclusiva en materia de asistencia social.

A Lei 3/1997, do 9 de xuño, galega da familia, a infancia e da adolescencia establece no seu artigo 3.2º como principio reitor da actuación dos poderes públicos de Galicia o impulso dunha política integral de apoio á familia que teña en conta as

súas necesidades básicas e as dos seus membros, regulando, segundo o artigo 11.3º, aquelas prestacións económicas ou técnicas que teñan por obxecto incidir favorablemente nas situacións de carencia familiar.

A Xunta de Galicia, co fin de paliar, na medida do posible, os gastos dos primeiros anos de crianza dun fillo estableceu hai algúns anos deducións da cota íntegra autonómica do imposto sobre a renda das persoas físicas polo nacemento de fillos. Non obstante, non todas as persoas teñen obriga de efectuar a dita declaración, e son precisamente as de menor capacidade económica. A través das axudas directas que hoxe se regulan a Xunta de Galicia pretende equiparar este colectivo de persoas, con aqueles que gozan da correspondente dedución fiscal.

A Lei 14/2004, do 29 de decembro, de medidas tributarias e de réxime administrativo prevé na súa disposición adicional primeira que aquelas persoas que, cando entrou en vigor esta lei, tivesen ao seu cargo fillos menores de tres anos terán dereito a percibir unha prestación de 360 euros por cada un deles cando, por razón dos ingresos obtidos durante 2003, nin elas nin ningún dos membros da súa unidade familiar estiveron obrigados a presentar a declaración polo imposto sobre a renda das persoas físicas correspondente a ese período.

O texto refundido da Lei de réxime financeiro e orzamentario de Galicia, aprobado polo Decreto lexislativo 1/1999, do 7 de outubro, e modificado pola Lei 14/2004, do 29 de decembro, de medidas tributarias e de réxime administrativo, establece nos seus artigos 78 e 79 o réxime xeral de concesión de axudas e subvencións con cargo aos orzamentos xerais da comunidade autónoma.

Esta orde segue o procedemento previsto con carácter xeral, establecido na referida norma, tendo en conta en todo caso os principios de publicidade, obxectividade e concorrencia, e os demais requisitos establecidos na Lei 13/2004, do 29 de decembro, de orzamentos xerais da Comunidade Autónoma de Galicia para o ano 2005.

Con este fin, na Lei 13/2004, do 29 de decembro, de orzamentos xerais da Comunidade Autónoma de Galicia para o ano 2005, na aplicación 14.02.212A.486.0 existe partida orzamentaria consignada pola contía de 4.950.000 euros para as prestacións que se establecen no articulado desta orde. Este crédito poderá ser obxecto de ampliación, tal e como se establece no artigo 7.1º.g) da Lei 13/2004, do 29 de decembro, de orzamentos xerais da Comunidade Autónoma de Galicia para o ano 2005.

Na súa virtude, en uso das facultades que teño atribuídas,

DISPOÑO:

Artigo 1º.-Obxecto.

Esta orde ten por obxecto establecer as bases polas que se rexerá a concesión da prestación familiar por fillo menor a cargo así como a convocatoria destas axudas para este ano.

Artigo 2º.-Beneficiarios.

1. Poderán ser beneficiarias desta prestación aquelas persoas que teñan ao seu cargo fillos menores de tres anos o 31 de decembro de 2004 e que, por razón dos ingresos obtidos durante o ano 2003, nin elas nin ningún dos membros da unidade familiar estivesen obrigadas a presentar a declaración do imposto sobre a renda das persoas físicas correspondente a este período.

No caso de fillos adoptados ou acollidos entre o 31 de decembro de 2003 e o 31 de decembro de 2004, a prestación poderase conceder durante os tres anos posteriores á data da inscrición da adopción ou do acollemento no rexistro civil. Cando non sexa necesaria a inscrición, a prestación poderase conceder a partir da data da resolución xudicial ou administrativa que a declare.

2. Nos supostos de nulidade, separación ou divorcio dos proxenitores, o beneficiario da prestación será o pai/nai que teña a custodia dos fillos, de acordo co establecido no convenio regulador ou sentenza de separación ou divorcio.

3. En ningún caso poderán ser beneficiarios os proxenitores privados da patria potestade dos seus fillos, ou se a tutela ou garda foi asumida por unha institución pública.

4. Os estranxeiros que residan en Galicia poderán beneficiarse desta prestación sempre que cumpran as condicións da Lei orgánica 4/2000, sobre dereitos e liberdades dos estranxeiros en España e os requisitos establecidos nesta norma e tivesen a condición de contribuíntes para os efectos do disposto nos artigos 8 e 9 do Real decreto 3/2004, do 5 de marzo, polo que se aproba o texto refundido da Lei do imposto sobre a renda das persoas físicas.

Artigo 3º.-Requisitos.

Será requisito necesario para a concesión da prestación:

-Que os pais teñan a súa residencia habitual na Comunidade Autónoma galega.

-Que na data da solicitude os nenos convivan co solicitante.

Artigo 4º.-Tipo de axuda e contía.

A prestación consistirá nun pagamento único por cada fillo menor que o solicitante teña ao seu cargo.

A contía da prestación será de 360 euros por cada un dos fillos menores que os beneficiarios teñan ao seu cargo, sen que o mesmo fillo poida dar lugar a máis dunha prestación en virtude desta convocatoria.

Artigo 5º.-Solicitudes e documentación.

1. Novas solicitudes:

A solicitude formalizarase no modelo oficial que figura como anexo I desta orde, xunto coa seguinte documentación:

a) Fotocopia do DNI/NIF ou NIE do solicitante e do seu cónxuxe ou parella.

b) Fotocopia do libro de familia ou certificación literal de nacemento, do rexistro civil, de cada un dos fillos menores de tres anos.

c) Certificado de empadramento do solicitante.

d) Copia da sentenza de nulidade, separación ou divorcio e do convenio regulador, de ser o caso.

e) Nos supostos de adopción ou tutela, copia do auto xudicial de adopción ou da resolución xudicial de constitución da tutela.

f) Nos casos de proxenitores solteiros con fillos recoñecidos polo outro proxenitor, declaración xurada de convivencia co fillo (anexo III).

g) Fotocopia da folla da cartilla de aforros na que figure o número de conta.

Na presentación da solicitude de prestación o interesado autorizará a Consellería de Familia, Xuventude, Deporte e Voluntariado para obter da Axencia Estatal de Administración Tributaria e da Consellería de Economía e Facenda os datos de carácter tributario necesarios para a determinación da renda da unidade familiar e para o pagamento da prestación, para o que deberá presentar debidamente cuberto o anexo II.

2. Solicitudes para persoas anteriormente beneficiarias:

Se o solicitante recibise a prestación familiar por fillo menor a cargo no ano 2004, só terá que presentar a solicitude formalizada no modelo oficial (anexo I) e copia do DNI ou NIE, sempre e cando non se modificasen as circunstancias persoais, xurídicas e económicas determinantes do dereito de prestación.

Neste caso, poderá obterse a solicitude debidamente cuberta no enderezo:

<http://www.xunta.es/aplicacions/pfc>

3. En calquera dos dous casos, se a solicitude non estivese debidamente cuberta ou se non se presentase a documentación sinalada, requirirase o interesado para que no prazo de 10 días emende a falta ou presente os documentos perceptivos, con indicación de que, se así non o fixese, entenderase que desiste da súa petición, logo da resolución que deberá ser ditada nos termos previstos no artigo 42 da Lei 30/1992, do 26 de novembro, de réxime xurídico das administracións públicas e do procedemento administrativo común.

Artigo 6º.-Lugar e prazo para a presentación de solicitudes.

1. O prazo de presentación das solicitudes será de corenta días naturais, contado a partir do día seguinte ao da publicación desta orde no *Diario Oficial de Galicia*.

2. A presentación da solicitude poderá facerse, a elección do solicitante, por vía escrita ou por vía telemática:

a) Vía escrita:

A solicitude e mais a documentación requirida presentarse no rexistro da Consellería de Familia, Xuventude, Deporte e Voluntariado, sen prexuízo do disposto no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

b) Vía telemática:

A vía telemática establécese como un mecanismo de presentación nun único trámite para aqueles solicitantes que reúnan os seguintes requisitos:

-O solicitante deberá ter sido beneficiario destas axudas no ano 2004, e non ter variado as circunstancias persoais, xurídicas e económicas determinantes do dereito a prestación.

-Os solicitantes deberán posuír un certificado dixital baixo a norma X.509 V3 expedido pola Fábrica Nacional de Moeda e Timbre, Real Casa da Moeda.

Poderá accederse a esta vía de presentación a través da aplicación informática establecida no enderezo da internet:

<http://www.xunta.es/aplicacions/pfc>

Onde se disporán os medios de axuda para a presentación de solicitudes.

Unha vez asinado co certificado dixital do solicitante o anexo I da solicitude, procederase á transferencia telemática da dita documentación ao rexistro telemático da Xunta de Galicia creado polo Decreto 200/2003, do 20 de marzo.

Artigo 7º.-Resolución.

1. Correspóndelle á conselleira de Familia, Xuventude, Deporte e Voluntariado, a resolución destas axudas no prazo de 6 meses contados desde o día seguinte á data en que a solicitude tivese entrada no rexistro do órgano competente para a súa tramitación.

Transcorrido este prazo sen recaer resolución expresa, as solicitudes teranse por desestimadas.

2. As resolucións recaídas neste procedemento esgotan a vía administrativa, e contra elas pode interpoñerse recurso contencioso-administrativo ante o Tribunal Superior de Xustiza de Galicia, no prazo de dous meses a partir do día seguinte ao da notificación da resolución, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

Potestativamente, e con anterioridade á interposición do referido recurso contencioso-administrativo, poderá interpoñerse recurso de reposición ante o órgano que ditou o acto, no prazo dun mes a partir do día seguinte ao da notificación da devandita resolución. Neste caso non poderá interpoñerse recurso contencioso-administrativo ata que sexa resolto expresamente ou por desestimación presunta o recurso de reposición.

Artigo 8º.-Compatibilidade.

As prestacións reguladas nesta orde serán compatibles con calquera outra establecida tanto polas administracións públicas ou calquera dos seus organismos, entes ou sociedades, como por calquera entidade privada.

Toda alteración das condicións tidas en conta para a concesión da subvención e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderá dar lugar á modificación da resolución de concesión.

Artigo 9º.-Pagamento.

O pagamento das prestacións reguladas nesta orde farase unicamente na conta que os solicitantes fixen constar no anexo I, debendo permanecer activa para estes efectos en tanto non se teña constancia da finalización do expediente, non facéndose responsable a administración da imposibilidade de efectuar o ingreso por causas directamente imputables aos solicitantes.

O pagamento axustarase ao establecido no Decreto legislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia, modificado pola Lei 14/2004, do 29 de decembro, de medidas tributarias e de réxime administrativo.

Artigo 10º.-Obrigas dos beneficiarios.

Os beneficiarios desta prestación quedan obrigados a someterse ás actuacións de comprobación que deba efectuar a entidade concedente e ás de control financeiro que correspondan á Intervención Xeral da Comunidade Autónoma e ás previstas na legislación do Tribunal de Contas e do Consello de Contas no exercicio das súas funcións de fiscalización e control do destino destas axudas.

Artigo 11º.-Revogación da prestación.

Procederá a revogación das axudas así como o reintegro das cantidades percibidas e a exixencia do xuro de demora devengado desde o momento do seu pagamento nos casos e nos termos previstos no artigo 78 do Decreto legislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia, modificado pola Lei 14/2004, do 29 de decembro, de medidas tributarias e de réxime administrativo.

Disposicións adicionais

Primeira.-A concesión destas prestacións terá como límite global o crédito consignado no orzamento da Consellería de Familia, Xuventude, Deporte e Voluntariado para estes fins.

Segunda.-Os beneficiarios atópanse suxeitos ao réxime de infraccións e sancións que en materia de subvencións establece o artigo 79 do texto refundido da Lei de réxime financeiro e orzamentario de Galicia aprobado polo Decreto legislativo 1/1999, do 7 de outubro, modificado pola Lei 14/2004, do 29 de decembro, de medidas tributarias e de réxime administrativo.

Disposicións derradeiras

Primeira.-Esta orde entrará en vigor o día seguinte ao da súa publicación no *Diario Oficial de Galicia*.

Segunda.-Facúltase a directora xeral de Familia para ditar cantas disposicións sexan precisas en relación con esta norma.

Santiago de Compostela, 22 de febreiro de 2005.

Pilar Rojo Noguera
Conselleira de Familia, Xuventude, Deporte
e Voluntariado

ANEXO I



XUNTA DE GALICIA
CONSELLERÍA DE FAMILIA,
XUVENTUDE, DEPORTE E VOLUNTARIADO

PROCEDEMENTO PROGRAMA DE PRESTACIÓN POR FILLO A CARGO	CÓDIGO DO PROCEDEMENTO FM410A	DOCUMENTO SOLICITUDE
---	---	--------------------------------

DATOS DO SOLICITANTE (PAI OU NAI)

NIF - NIE	APELLIDOS		NOME	
ENDEREZO			LOCALIDADE	
PROVINCIA	CONCELLO	CÓDIGO POSTAL	TELÉFONO	E-MAIL

DATOS DO CÓNXUXE OU PARELLA (SE É O CASO)

NIF	APELLIDOS	NOME
-----	-----------	------

BENEFICIARIO DA AXUDA EN 2004

☐ SI	☐ NON
-----------------------------	------------------------------

DATOS DOS FILLOS MENORES DE TRES ANOS

APELLIDOS E NOME	DATA DE NACEMENTO / ADOPCIÓN OU ACOLLEMENTO

DOCUMENTACIÓN ACHEGADA SEGUNDO O EXIXIDO NO ARTIGO 5 DA ORDE (SINALE CUN X)

☐ FOTOCOPIA DO DNI/NIE DO SOLICITANTE E DO CÓNXUXE OU PARELLA.	☐ RESOLUCIÓN XUDICIAL DE CONSTITUCIÓN DA TUTELA.
☐ CERTIFICACIÓN LITERAL DA INSCRICIÓN DO NACEMENTO NO REXISTRO CIVIL DOS FILLOS MENORES DE 3 ANOS OU FOTOCOPIA DO LIBRO DE FAMILIA.	☐ COPIA DO SERVIZO DE NULIDADE, SEPARACIÓN OU DIVORCIO E DO CONVENIO REGULADOR.
☐ CERTIFICADO DE EMPADROAMENTO DO SOLICITANTE.	☐ DECLARACIÓN XURADA DE CONVIVENCIA CO/S FILLO/S.
☐ COPIA DO AUTO XUDICIAL DE ADOPCIÓN.	☐ FOTOCOPIA DA CARTILLA DE AFORROS.

DATOS BANCARIOS

ORDINAL BANCARIO	CÓDIGO BANCO	CÓDIGO SUCURSAL	NOME BANCO E SUCURSAL
RÚA			
LOCALIDADE		CÓDIGO POSTAL	CÓDIGO CONTA CORRENTE

LEXISLACIÓN APLICABLE

Orde do 22 de febreiro de 2005 pola que se regula a prestación económica de pagamento único por fillo menor a cargo para o ano 2005.

SINATURA DO SOLICITANTE OU PERSOA QUE O REPRESENTA

, de de

(Para cubrir pola Administración)

RECIBIDO

REVISADO E CONFORME

NÚMERO DE REXISTRO

DATA DE ENTRADA

/ /

DATA DE EFECTOS

/ /

DATA DE SAÍDA

/ /

ANEXO II

D/Dª (solicitante) _____ con DNI/NIE nº _____
e D/Dª (cónxuxe ou parella) _____ con DNI/NIE nº _____
e con motivo da solicitude da prestación por fillo menor a cargo, segundo a orde do
_____, publicada no DOG do _____.

AUTORIZA/N

A Dirección Xeral de Familia, para que, conforme o disposto no artigo 2.4 da Orde do Ministerio de Economía e Facenda do 18 de novembro de 1999, solicite da Axencia Estatal de Administración Tributaria e da Consellería de Economía e Facenda a información a que se refire o artigo 78.4.c) da Lei de réxime financeiro e orzamentario de Galicia, en relación co cumprimento das miñas obrigas tributarias estatais e coa Comunidade Autónoma de Galicia.

_____, ____ de _____ de 200 ____

SINATURA DO SOLICITANTE

SINATURA DO CÓNXUXE OU PARELLA

Deben asinar ambos os dous pais en caso de convivir co fillo/s os dous proxenitores

*ANEXO III***DECLARACIÓN XURADA**

Don/a _____ con DNI/NIE _____
endereço _____ CP _____
provincia _____ teléfono _____

DECLARA:

Que o meu fillo/a _____ convive unicamente
comigo e ao meu coidado, no domicilio enriba sinalado.

_____, ____ de _____ de 200 ____

Orde do 24 de febreiro 2005 pola que se fixan os prezos de inscrición para Volunet. Conferencia Internacional de Voluntariado e Novas Tecnoloxías que levará a cabo a Dirección Xeral do Voluntariado da Consellería de Familia, Xuventude, Deporte e Voluntariado no mes de abril de 2005.

Dando cumprimento ao disposto na Lei 6/2003, do 9 de decembro, procede regular os prezos de inscrición para a asistencia a Volunet. Conferencia Internacional de Voluntariado e Novas Tecnoloxías que levará a cabo a Dirección Xeral do Voluntariado da Consellería de Familia, Xuventude, Deporte e Voluntariado.

A Lei 6/2003, que regula as taxas, prezos e exaccións, dispón no seu artigo 51 que a contía destes será acordada por orde da consellería correspondente, logo do informe favorable da Consellería de Economía e Facenda. Por todo isto,

DISPOÑO:

Artigo único.

1. Os prezos privados exixibles pola inscrición en Volunet. Conferencia Internacional de Voluntariado e Novas Tecnoloxías, son os que se fixan no anexo a esta orde e xestionaranse de acordo co disposto na normativa vixente en materia de prezos privados.

2. Estes prezos entenderanse, se é o caso, co IVE incluído.

Disposicións derradeiras

Primeira.-Esta orde entrará en vigor o día seguinte ao da súa publicación no *Diario Oficial de Galicia*.

Segunda.-Facúltase a directora xeral do Voluntariado para ditar, no ámbito das súas competencias, as resolucións precisas para o desenvolvemento desta orde.

Santiago de Compostela, 24 de febreiro de 2005.

Pilar Rojo Noguera
Conselleira de Familia, Xuventude, Deporte
e Voluntariado

ANEXO

A inscrición en Volunet. Conferencia Internacional de Voluntariado e Novas Tecnoloxías, terá dúas tarifas:

1. Contía que deberán pagar as persoas que posúan o carné xove, carné máis, carné universitario ou título de familia numerosa.

-Contía por persoa: 15 euros.

2. Contía que deberán pagar as persoas que non se atopen nas circunstancias anteriores.

-Contía por persoa: 30 euros.

CONSELLERÍA DE ASUNTOS SOCIAIS, EMPREGO E RELACIÓNS LABORAIS

Resolución do 26 de xaneiro de 2005, da Delegación Provincial da Coruña, pola que se dispón o rexistro, o depósito e a publicación, no Diario Oficial de Galicia, do convenio colectivo do Concello de Boqueixón.

Visto o expediente do convenio colectivo do Concello de Boqueixón (código convenio 1504192), que tivo entrada nesta delegación provincial o día 1-12-2004, complementado o día 12-1-2005 e subscrito pola parte económica polo Concello de Boqueixón e pola parte social polo comité de empresa o día 22-11-2004, logo de acordo do Pleno da Corporación do 12-11-2004, de conformidade co disposto no artigo 90.2º e 3º do Real decreto lexislativo 1/1995, do 24 de marzo, polo que se aproba o texto refundido da Lei do Estatuto dos traballadores, Real decreto 1040/1981, do 22 de maio, sobre rexistro e depósito de convenios colectivos de traballo e Real decreto 2412/1982, do 24 de xullo, sobre traspaso de funcións e servizos da Administración do Estado á Comunidade Autónoma de Galicia, en materia de traballo, esta delegación provincial

ACORDA:

Primeiro.-Ordenar a súa inscrición no Libro Rexistro de Convenios Colectivos de Traballo, que consta nesta delegación provincial, e notificación ás representacións económica e social da comisión negociadora.

Segundo.-Ordenar o depósito do citado acordo no Servizo de Relacións Laborais, Sección de Mediación, Arbitraje e Conciliación.

Terceiro.-Dispoñer a súa publicación no *Diario Oficial de Galicia*.

A Coruña, 26 de xaneiro de 2005.

Cristina Azpilcueta González
Delegada provincial da Coruña

Primeiro convenio colectivo das condicións de traballo do persoal laboral ao servizo do Concello de Boqueixón

Capítulo I Disposicións xerais

Artigo 1º.-Ámbito de aplicación ao persoal.

As normas contidas neste convenio colectivo serán de aplicación a todo o personal fixo e indefinido suxeito á lexislación laboral, con excepción, se é o caso, do persoal de alta dirección definido segundo o establecido no artigo 2.1º do Estatuto dos traballadores. As normas contidas neste convenio aplicaranse, así mesmo, ao persoal laboral que non teña a condición de indefinido coas adaptacións singulares que deriven del e de cada contrato individual,